

蕭冰崖詩集拾遺

東荆蒲水崖先生詩集序

孔子天聖也制製作莫大於
刪述垂憲如日月之麗天照
耀乎古布天地如為如終
固大蹟而為隱也書如自
時與人之生也哀而為隱

君為友妻季白王焚琬時
而書藏于屋壁是時與
人俱衰氣衰心母之可
隱也若生焉至漢右文
孔子十二世孫安國者出得
壁中所得為書而為錄

古定遂有五年八篇之文以
詔後世是時人人俱感美
製彤因之而黜也又為年為
望為大望為然若夫聖人
孝悌之製作固而欲比擬
而德彰之跡亦有若見者

善已生象數之反疏耳如
吾治郡守與南侯諒仁九
世從祖永崖公出於宋季
由逸士仕至通守而世禱
攘以教於傳系有隸三千
六世訪家取而刊之行于世

壘山衡先生見而語之於
後亦可謂有製必正之願
矣及元祐宋祚闔一歸
隱元祐寢微板連是焚
以而製作之德也而母時
入之景况何事造家

皇明文運史興而允南氏
季孫以衣冠禮樂相高
應世而方構公之集如乃
其付之一堂講序於一第
孫先生於梓弗采至在
虎才任物二我同毛子

安民安即欲生先志遂
以公集壽法粹因名之
曰括遂而為法粹於後世
製此之題也心因時而人
之感而所刊事集法
序於予修死崖公南

源以後之真品毛詩律
之清勁奧妙已有壘山
之跋一竿之亭與陸之藏
備悉毛宗派如事老院
其子士誠見註字去而傳
又多有角之集不存心存料

唐吳先生之序予附錄後
予後何敢云第以是集
沉埋二百餘年先世
祖暨高祖大父太父并
叔父叔兄率皆用志求
之而僅得其一以志感銘

重利而求成之候一旦恢
復而俾之有歸手時而得
其能人之志子其迷人之
而為女子之大者美之而
安園主徒氣公之五律不
角言集隆而好然夕章

立死地間當有鬼神為
之訶護未及泐處呪候
至臣家火棧遠人高士賢子
多如摩手肩接踵數而出
又物有如果時三母年五人並
凡之世已矣何必復求而得死

至別為補送三卷乞予
教正竊竊為表新之候
保江西安寧為莆田良溪
人賦性聰慧介直有學
有以自拜甲尹陶安為
陸郡牧以清性勤為至

臣等事神治民爲急務不
前刻之矯激不詭遇凡一
一移上盡心力而爲之心力
所到者則已之至於人之
知而不知之衆與卑一聽
于王初不計也惟於身心

上求愧也先王予
多人也生古之良吏也予
亦里也者親之曰其
有而得毛心毋保及之

弘治十六年乙丑冬十月望日
賜進士出身通議大夫少師

仕山東按察司司按察使
治陽趙鶴齡撰并書

蕭冰厓先生詩集叙

詩非為傳世作也本乎
情性止乎禮義詩不能
以不傳也若三百五篇
是已當周之盛國風之
詩多出於田夫閨婦之
口而其辭義之奧音節

之正皆可以被於弦歌
而為法於天下夫豈學
而能哉蓋先王仁義禮
樂之教自閨門而達於
邦國由朝廷而下於閭
巷所以漸其心志而形
諸四體和其聲音而發

於文章有不自知其如
此之盛也王迹既熄風
雅道喪宏材碩士句攻
字琢用意非不精用力
非不勤卒無異空花之
眩目好音之過耳夫豈
才之相遠哉所以教而

化之者無其本也然太
極之運不息則人心之
天不喪是故豪傑之士
間生其中亦無愧於古
者若靈均之憂憤杜陵
之忠憤陶彭澤之冲澹
皆本乎性情之真庶乎

禮義之正關於民彞物
則之大視風雅不知何
如惡可以後世之詩例
視之哉宋氏有國三百
餘年治教之美遠過漢
唐道學之懿上承孔孟
南渡以後國土日蹙文

氣日卑而道德忠義之
士接踵於東南其間以
詩詞鳴者格律之工雖
未及唐而周規折矩不
越乎禮義之大閑又非
流連光景者可同日語
也若冰崖蕭公亦其一

人矣公諱立等寧都蕭
田人登進士科仕至通
守遭世搶攘未及上廼
自放於詩當其意到睨
若觀岳馬矯若凌雲鶴
媚若春園之桃李蒼若
冬嶺之松筠視三君子

者不知何如亦南渡以
後之高品也公詩宗江
西派澗泉趙公章泉韓
公推愛澗谷羅公公為
澗谷所知則其詩可知
矣同世以道德鳴者草
廬吳公以忠義著者疊

山謝公公納交於草廬
又見知於疊山則其人
可知矣公子士贊註李
太白詩今行於世公集
舊板燬于兵嗣孫儀鳳
繼顯前聞欲重壽諸梓
屬其叙於予予嘗病科

舉之業詞賦之工害天下之學術欲變之而未
能乃為公叙而傳之何
也喜其近於本而不為
無益之空言也

省

成化壬辰秋八月望吉

賜進士及第翰林脩撰吉

豐湖西羅倫書

蕭冰厓詩集拾遺目錄

七言古體

已下卷上

贈裱褙匠

黃景純社倉求詩

錦雞送陳廣文

花朝同劉同年判簿登蘇山

同年劉仲山和送錦雞長韻再用韻

為侍綵泛幕之行餞

府教和章狎至再用韻為謝

桂東行次劉提屬同年見寄山行韻

次陳府教喜晴古句且踐蘇山之韻
雨中過北湖戲作

邵中立六香吟屋歌

虎皮送周竹友

送陳廣文西山楮衾

頒春曲

榔幕得告歸桂東

贈龍張泉醫為灼艾

寄題李叔誼蓮峯書院

還李世修槐陰書院稽古堂詩軸

送周竹友紅椒

鍾乳粉送趙簿

題陳廣文蘇山小草

題左尉死節本末

周府判送錦雞陳廣文古風見示次

韻二十句

秋胡婦歌

勉友人歸廬陵

春日長

自桂東入城餞使長移節東廣路過

雲頭嶺作

周宰賞蓮席上

次韻荅周宰

再韻荅周宰

再韻前人請斷來章之作

再韻荅前人送梅實

次韻荅廬陵張新恩

送周竹友虎皮時權郡事

客有談淮土縱獵之樂因為之歌

贈談星數謝秀才

鄱縣女子廟

送人之常德

野鶻行

初見郴倅院雲心

雲心遣示雨涼古句用舊韻再次奉

荅

次彭介山韻

賦周斗祥愛竹

郴旱檄北湖龍

題山城劉先生花史後

贈醫士

春寒家

贈周材叔能畫號蒼厓

賦李士明古香

八駿圖

送人

鄧梅臞雪籬圖

閣皂山杉節歌為士真作

有感戲隱括曹景宗語

賦陳新伯秋潭

題丁松岡詩集

題侯氏雲軒

題黎平父月潭

贈相士劉跛子

謝包宏齋著述科目之薦

送沈時父隨沈使君歸西湖

贈煉丹士

賀歐西湖登第兼呈宏齋

壽何府判易齋

送厚齋陳持正歸括蒼劾山谷體有贈

砥柱亭同寮分韻得兩字

銅瓶歌為趙廣文生日

邀同寮飲鍾學正第一枝

馬順文裒金買登仕為漕試計戲題

其取青券

紅槽送陳廣文

再韻荅前人

月下觀梅獨酌

郡圃欄梅分韻得手字同寮邀飲

五言古體

已下卷中

賦曾氏江亭

賦曾氏醉月亭

蒼玉洞分韻得淺字

燒榑桮

五言律詩

歲晚

觀趙月林春雨詩卷有感次韻

江上有懷

近有

浙江亭

歸至三衢懷芸莊兄留京

陳西庵挽詞二首

北林羅樞使挽詞

病起

船幹陳祥卿挽詞二首

出郭

丙辰歲起

太平寺元羅冠故基

過吉水

茶陵道中

次阮雲心泛湖

再韻荅前人二首

又荅前人二首

已未作

趙玉牒夫人挽章

落日

和洪倅陳元德韻同庚

還陳倅蓋山集

次黃後谷送吳實堂中韻

樹老

湖海

題危叔陽蘭雪詩卷下

又次見寄韻

次韻謝吳宜齋

次韻曾楚山見寄

挽龍梅癯

次李鶴雲見寄

送惠教諭之興國任

食盤兔

七言絕句

右七夕

右武陽渡

右西林寺

右踈山道中

右方廣寺

東西林二首

圓通寺

靖節先生祠

太平宮賦聽雨

琵琶亭二首

食蟹九首

失題

毛竹山四首

一翠亭二首

失題二首

題揭梅牕詩卷二首

題東畝陳上舍吟藁二首

題黃立軒西湖百詠三首

題危定之芳洲吟卷

題穆叔晦雨淨風香亭三首

老嘆

寄題鄒氏觀梅亭二首

次韻鄭琴山併謝中書君之貺三首

送雪溪徐高士之越三首

題楊達可梅樓二首

校文京庠呈黃立軒朱南湖十首

題脩水黃公端梅溪二首

偶成

絕句四首

題仇人近山村圖

夏夜納涼

題傅德藻月湖小舟集

九月十日府委撞點巡鋪馬上得四絕

北新橋發舟

垂虹橋三首

范蠡祠二首

姑蘇臺五首

第四橋二首

出船

市



燈蛾

蠅虎

蛙

蠹魚

太湖石

姪送曾立道韻三首

和曾楚山憶蒼山韻五首

題黎橫舟詩卷二首

至日

和黃立軒梅詩十首

謝周平洲花染雪餅之貺

贈陳子正造墨

雪夜作

題黎泉山吟卷二首

寄楊隱巖二首

贈畫魚者

贈丁高士三首

題丁虛江詩卷二首

題曾菊居吟卷

丁節林吟卷

贈熊古月

贈崇仁吳幼清遜儒入老三首

贈談陰陽者二首

贈廬陵張濟夫陳子豪二首

題曹怡軒樵笛吟藁四首

邀李竹堂過厓下

題玉庭觀二首

收護贈墨者廖景瑞

題梅墨莊

題梅友吟藁二首

病起行散

題劍江姚叔宏吟卷三首

題劍江甘元英詩號溪山畫譜

妖燭

燈婢

氷山

玉有太平字

美人呵筆

射團

風流陣

失題

遊仙枕

失題

金函

移春檻

辟寒犀

有脚陽春

紅冰

失題

長湯十六所

失題

已下卷下

七言律詩

贈鄧景憲

次李玉峯見寄

赴官舟中

東郡中立

遊蘇仙山

至日次韻

次府教一覽亭韻

興寧界上

縣圃白蓮

丁巳除夕

贈人

過衡山

次丁宣尉韻

題雲心適楚吟藁

報恩荷池納涼呈雲心

七月十五夜雲心邀泛北湖

再韻呈雲心

次趙東林韻

寄曾翠屏

梅

再為梅賦

雪

挽彭復雅二首

送呂秘書中歸清涼二首
謫汀自便

又呂有十園行于世

次龔象湖韻二首

送易齋何倅官滿歸括蒼

歸自城外

次使長勸農喜晴韻

山下

次使長蒼玉亭

使長初約客觀文殊寺牡丹忽有走
數種自小洛陽來者觴于東山堂

席上賦

使長遣和再韻

和張倅韻

睡起

和孫竹雲道士先墳種松韻

孺子亭

送實堂吳帥歸天台二首

次黃園漕幕韻

蘇雲卿

和晏司法吳城山道中韻三首

和李後林賀黃後谷漕薦韻

送孫竹雲住浮雲觀

曹城慮囚和滕倅壁間韻

次滕倅夜登樓韻

題王衡甫吟藁

漕園古梅

代同官送方蛟峯二首

贈張南溪

輅新帥出城見梅

送婁高士歸渝

送黃仲與之崆峒任

送曾寺簿知南安二首

李鶴林田惠詩有孤山探梅之句用

韻為謝

陳蒲塘送端硯用韻為謝

再韻

再韻賀得闕

和蒲塘鄉飲酒席上韻

和羅澗谷寄以姑蘇舊遊韻

送官出守平江二首

同林城山楊學舟遊虎丘

九日拉管西憲諸丈游鳳石洞天酒

邊用草堂韻

寄曾牧菴

次曾漁磯賀得士贊音問韻

請兵道中作

漁磯惠詩適聞王師過邑次韻作歡

喜口號

春晴試筆

和本縣黎月罔勸農韻

再韻謝黎月罔筆墨丹砂之貺

寄羅澗谷

再韻

又和

次黎宰併東曾楚山二首

讀文山詩

和周平洲韻

左臂痛

與劉兩峯

贈道士湖古澹

次賴可竹見寄三首

四月蓮雨

重午剥粽懷靈均

江行得水壓青天下小橋一句足成

唐律

次曾楚山

早起

次曾楚山見寄

觀楚山關廟長篇記舊讀史成唐律

次使長蒼玉洞韻

書罷偶成

己卯秋社

寄楚山

寄題崇仁吳甫伯壽康堂

次劉蒼涯見訪

和燒捐拙韻

題陳氏西園

壬午元日試筆有懷十翁楚山先生

兩章奉寄

秋燕

壬午九日士資自廣運鉄南雄歸途

過家士贊士贊有詩因用韻

遊鳳石道院

寄彭梅莊

次韻荅徐毅齋

溪行見落梅為賦

蕭水厓詩集拾遺目錄

蕭冰厓詩集拾遺卷上

九世從孫蕭

毓謹編
敏拜刊

七言古體

贈裱褙匠

牙籤玉軸新未觸何如顏簷燈火讀李成
驟雨郭熙山何如一藤煙火間書畫移入
亦尤物寶繪堂中長公說子持此藝將歸
時霜刀正足供刈葵爭名場中困機械學
古悠悠晚知悔殘編料理數能來了我明

憲讀書債

黃景純社倉求詩

黃君為善不近名九鼎大呂荆溪評賊奴
金印棄如唾未用富民侯漢廷只今作倉
北原北肯與貧人供年穀垂厓夢中紫府
客君家世美如喬木題詩往往來達官錦
標玉軸烏絲欄知君見詩應怒罵百萬擣
蒲乞鵝炙

錦雞送陳廣文

舞鸞失鏡啼秋影文鸞白頭翠交頸山雞

誰遣雙入籠走送書堂春睡醒霜濃木脫
生驚雷翩翩飛下平岡來錦囊礪魂碧釵
文之而隱身之穴若呼谷應深雲裏歲
晚爛斑落城市吟邊憐汝忽自憐我亦江
南客千里

花朝同劉同年判薄登蘇山

歌眠困蕭寺曉視天宇晴細馬金盤陀路
出東南城獐飈碾花作紅埃十里八里青
松栽雲埋塔影鈴鐸語水落石洪風雨來
仙君一去今幾年斷碑蒼蘚留層巔鶴歸

華表作人語石臥沉香生晚煙蟻穴蜂房
三萬戶山上清明山下霧可憐當日跨龍
人依舊思歸入城去我願山頭拾桃顆歸
種雲根春婀娜從渠一實三千年不向人
間食煙火

同年劉仲山和送錦雞長韻再用韻
為侍綵泛幕之行餞

世人論心畫寫影傾蓋誰能交刎頸慈恩
夢事風花飛一見八年肝膽醒錦雞山上
霜皚皚機動竅發從何來騎牛澗谷未必

惡古來鐵馬無非灾綵衣踰躐晴畫裏臺
上曲高傾倚市田鴈峯頭一笑春來緼儻
可煩隣里

府教和章狎至再用韻為謝

平生故人誰綈袍元龍湖海風裁高吟詩
倉卒供十手清水新淬龍文刀壯如沙場
馳百馬奇如甘蠅飛如射寒箋字字明華
星掩耳不及春霆驚一天風月四方錢冷
淡未必輸華鮮人生端有不朽事虛名豈
足驚烏鳶小年擔書走京國腕中一筆萬

斛力近來言語不驚人出戶誰復思安仁
何當解羈飼我驢嬌兒喜歸爭挽鬚來時
雪花大如席縑車卷玉鳴桑枯一年春風
又如客山中無人吟不得煩君遠致北海
秋鴈驚行中洗朱墨

桂東行次劉提屬同年見寄山行韻

桂東有山何高哉牽蘿挽葛登嵬崔桄榔
屯雲白日暗瘴霧颯颯吹黃埃懸厓峭壁
穴鼯狖碎啄爭食鳴爭隈平生忍饑北憲
臥瘦馬却載青衫來江南解作斷腸句更

生年少今多才曲江座上倚寒玉落月下
照秋千厓北湖尊酒誰主客公榮不飲從
渠猜鴈峯臺前羣玉府檄羽忽作先春雷
烏公取士有巨眼十里祖道梨花杯蒲團
羈我著蕭寺官梅雪盡萱榴開凝香閣下
得休告雨坐十日無輿臺新吟大軸忽到
手懸冰跨雪秋皚皚請從今日慰
我相思腸九回

次陳府教喜晴古句且踐蘇山之韻
梅花樹頭春雪晴長廊僧定客夢醒娥眉

豆熟櫻筍老兩月風雨云屏屏暄寒倏忽
變氣候客衣單夾煩調停移船避漏送白
日一根露草棲風蜥龜衣陵屯分變化蘇
山雲中幾秋夏欲携吟卷相追隨呈佛不
堪仙可嚇歸期得請那可料炊米僧厨猶
欠賈吞腥啄臭欲可為快理紅藤趁今暇

雨中過北湖戲作

玉虹飲湖湖欲乾蒼林搖落金彈丸黃泥
坂深沒白馬野渡落日人爭船山城草草
魚菜市乳鶯呼雛飛不起練花曉薄客棲

寒自買湘羅裁半臂誰家玉手鳴象床藕
絲夜織芙蓉裳等得船成看花一屏秋
色楚雲香

邵山立六香吟屋歌

百原山頭鶴不歸遠孫流落滄江湄深衣
大帶冠冕勁氣嶒嶸崆峒低平生不佞
俗子首食葦懸墻歌吾伊蔣香環屋供吟
弄冷石幽雲選春夢吞腥逐臭喝黃塵笑
殺世人無鼻孔濂溪愛蓮陶愛菊和靖梅
花子猷竹楚騷蘭桂有不同昔所難并今

所足問君是中有何好君言妙處難為道
四時風味一家春八窓玲瓏三徑曉金精
故山深冥冥芝田木圃無人耕幾時脫我
馬口銜與君煎茶祇愁老天忌君取數
多皚霜塗屋冰塞河竹門肩輿不得施閑
戶且賦踈影橫斜詩

虎皮送周竹友

南山有虎額欲白當年馮婦搏不得牛羊
食盡麋鹿無樵蘇不來道榛棘莫徭客子
心膽雄雞翎銜矢山桑弓憑林翳樹斃一

發狐鳴雀噪寒山空向來霧雨不下食也
知文采真足惜蕭森素壁動爛斑猛氣雄
姿見風格我如杜陵不願施錦鯨琢詩包
卷送贈君知君家學有太極自是臯比席
上人剪裁更入革工手高堂寢處魑魅走
尊前一色老萊衣為大夫人千載壽

送陳廣文西山楮衾

谿工夜斲蒼崖藤麻姑山前砧杵鳴千金
學得不龜手并刀剪冰裁寒冰人間不數
堯羅軟齊紈蜀錦焉足算一池明月白雲

深四壁東風晴與暖道人家風此受用贈
君也作清淨供梅花帳裏春茫茫休遣淡
妝美人來入夢

頌春曲

頌春亭上羅官斑黛泥骨碎鞭影間蒼此
爭走青帝勅閭闔輒損玻璃環花神謝事
即起東畔賜緋南賜紫細腰學舞圓
歌旗亭竹根枯野水防江戰士臥不驚風
吹雨洗淮土青街頭父老說新事城裏倍
放今年燈

柳幕得告歸桂東

濯枝雨乾溪水碧西南天高月斜白誰家
醉竹生莓牆一本風煙三十尺去時蕭鼓
紅梅燈青秧白水蝌蚪鳴夢尋北湖弄素
月一葉醉度琉璃城殘編斷硯煙雨濕短
衣小冠塵土澁回頭不敢望前程九十九
峯如笋立

贈龍張泉醫為灼艾

留侯遠孫腹腴肱載儒家書雜岐黃桂山
木落秋蒼蒼畫簾西風杵臼香瘴煙瀟雨

吹南荒弱兒倒臥瘦女僵藥石不入市賈
箱利專巫祝司禱襍磨刃霍霍向猪羊見
君似人喜跟蹤圭刀遣贈出錦囊我怜此
身無牢強外邪客氣弩矢張君言扶衰艾
火良有得不計腕肉瘡世間何事非膏肓
白晝二豎行跳梁案脉駭走扁與倉餒腹
可復須檟柳請君乞我囊中方

寄題李叔誼蓮峯書院

高原陸地無蓮花此峯刻畫天與狀李君
下構三千楹讀書月明調悲壯向來濂溪

卜廬山蓮花峯下溪之源半山爭墩未苦
賢掘地何處無流泉

還李世修槐陰書院稽古堂詩軸

稽古堂中書作種兒孫班被文章宏平園
誠齋老詞伯至今讀書
飽秋月木鑽石磐有時徹不見王家種樹
時兒子二郎如玉雪

送周竹友紅椒

交枝積翠銚鑕薰風一根萬倉粟炎雲
蒸作丹砂紅黑瞳欲墮秋玲瓏楚人論香

不論味風流僅足儕蘭蕙長秋宮壁聖未
鰾一粒蟻珠未為貴野人摘贈持滿筐吐
霞噴霧回晶光我生食藉豈識此藜羹糝
莧填飢腸練囊離_一撐欲破益味養神公
所課他年填用調羹手請佐鹽梅供五和
鍾乳粉送趙簿

知君肺氣如少陵十年鬢髮秋風生九韶
山前石鍾乳坐致不得心崢嶸玲瓏鵝管
截玉肪黃金鐺裏然枯桑連明更僕百萬
杵朔風捲海凝朝霜清詩濁酒橋亭別此

日身心等瓜葛為君一浣書院胃要者筆
尾生長虹

題陳廣文蘇山小草

學詩學仙將無同昔聞此語求志翁遠孫
青春文字工九仙城裏鞭游龍三年朗吟
洞天白湖光一區開醉墨向來雪壁浣鬢
素未許斜陽今德色短韻急雨鳴瓦溝大
障沙塲輦鼓秋蘇君欲語道未得山鬼叫
嘯江靈愁請君急與棗木刻空明下有蛻
蛭宅昇天倘要朝詞夜半風雷留不得

題左尉死節本末

尉諱譽登壬辰進士任復州景陵
城陷尉死之全家殲焉事聞于朝
賜廟岳陽仍官其子

江頭鐵騎飛腥塵孤城金沸鑪游鱗景陵
少府赤心膽直與海嶽爭輪囷食窮矢盡
空拳起生為南臣死南鬼百三十拍閉門
中血翦羶刀如踐蟻巴陵城下丹青明孤
兒襁褓今簪纓雖然惜不援漢制尉印有
子侯于鉞有生必死理之常以義處死君

之剛雪窓細字燈前卷髮豎毛寒雙淚賤
愧無李瀚筆如椽傳者人間配巡遠

周府判送錦鷄陳廣文古風見示次

韻二十句

溧陽寒尉飢欲啼擁爐一席鷄鷄枝鳴夷
取醉與睡宜持書推戶知為誰抽絨讀書
哦新詩如渴得飲夢得歸妓圍婉轉嬌鶯
詞也復感此山梁悲文禽只合長交頸着
語嫵媚相携持當年飲啄擅山澤十步百
步相追隨清波照影輒自愛竟日墮此畢

者機伶渠求牡着樊籬輒贈可使炫朝飛
于魔不忍仁者事豈此玩物心冥迷三邊
風寒鐵為衣白日黯黯天無輝室家憂煩
怨曠起新婚之別歸何時存心愛物一命
耳公漸柄用酣隆知蒼芒獨立將疇依勿
諉大家聾與癡

秋胡婦歌

秋胡婦之事載于傳記顏延年作
詩高之夫却行道者之金而不受
信其潔矣然憤其夫之說棄婦而

卒以是死焉推其意也殆不類世
之所謂妬婦者邪因為之歌

君家作婦三日強錦衾未暖鴛鴦床阿郎
遽作遠遊別三載菽水空孺裳採桑忽忽
春風陌郎歸相逢不相識攔囊贈妾雙黃
金妾心如冰介如石阿郎歸來坐堂前低
頭相視默不言郎心如此不易保醜君一
死滄波寒稜稜勁節秋霜句斷簡風流映
千古後來一種可伶人却遣江津名妬婦
勉友人歸廬陵

雲深雨黑山僚渾茫菟嘯風吹野昏短衣
蹠踐面黧黝欲指石鼓窮相源祝融峯高
九萬尺五更三點看日出何如矮屋一星
燈宇宙千年書四壁帝鵲催客槐自黃江
濱蟹舍魚蝦香古來貧者士之常白鷺洲
前春草長

春日長

春日長長安貴游踏春陽游龍八尺黃金
裝狎客沈宋交金張真珠結屋貝作堂錦
裯七十二鴛鴦吳姬趙女羅絲篁熊蟠豹

胎桂為漿主客一飲累百觴
悵風幕日綺繡香白晝銅盤飛蠟光
行樂未足光陰忙恨無長繩繫扶桑
何曾得知春日長山中腐儒鬢欲霜
蝸牛廬中獅子床二十七種飯瘦即過午
一枕無何鄉起來煎茶竹風涼半絲不掛
萬慮忘從渠門外塵如馬落絮遊絲相枕藉
斜陽窓戶一編書日長只在茅簷下

自桂東入城餞使長移節東廣路過

雲頭嶺作

雲頭山中石頭路三年石上行三度歲衣
十疋飯兩盂有底踉蹌走風雨來得郁然
無白鬚鳴珣跨馬東南趨夢回楚徼隔鴻
鴈日落贛江思鯉魚苔香草舍雲生處青
壁無梯鳥飛去山根野店酒旗風似我江
南桃葉渡渡頭翠浪吹長鯨蘭舟欲渡不
得停蒼梧陳詞叫帝子天高水濶心怍怍
遭余車兮遺余襟倒卷緇塵入衣褶山中
春去不歸來苦笋生孫蕨生葉

周宰賞蓮席上

急風吹月月鬼墮幻作玉蓮三百箇水花
亭上曉光寒主人捧觴客滿座周郎朗朗
屋百間讀書下簾春晝閑坐中仙人左元
放寒冰結佩玉刻環位高金多責山重萬
里風煙搖醉夢何如野水酌花陰疾雷到
天色不動安得太華十丈花乘風夜至玉
仙家老農有種來入土鞭起臥龍天下雨

次韻荅周宰

半生身名今甌墮吟腸寸斷字一箇三年
風雨楚山寒落日行窩省草座藕塘著亭

花中間酒邊消此半日閑詩成索醉坐不
起立馬嚼損黃金環薤花簾涼殘唾重詩
來破我時夢長風萬里一筆追字如韝
鷹欲飛動人生高下如風花奎帝未必真
堪家村沽如水賤如土何當携來說今雨

再韻荅周宰

天孫失眠錦機墮剪落溪藤不論箇神光
下照茅屋東驚倒閑庭馬韉座我如寒蛸
吟樹間時來有啄不得閑塗煙抹墨學梳
洗敢與媚嫵爭彎環天畿雨乾顧憂重剪

瓜步林勞帝夢却傳賀表通銀臺小臣拜
舞驩雷動銀茄欲實豆亦花一鮑已屬窮
吟家莫將蘇合比糞土隔簾不是催花雨
再韻前人請斷來章之作

我本金精仙謫墮雪厓剡天王萬箇有時
採藥白雲深亦有樵夫看棋座湘波射鴨
愁黃間茅堂晝陰秋几閑前山有詩招不
入嗔我鑿戶銅龍環辱君三貺拜已重又
遣吟筒敲遠夢今我閉戶風月場如看解
鼃食拍動烏絲弄筆搖松花棘端破鏃真

當家石鼎章成色如土穴居由來未知雨
再韻荅前人送梅實

狂風一月吹憤墮眼底梅花無一箇酒邊
餉我黃金團釘餽閑干忽驚座來禽青李
李孟問玉池生肥拓漿閑長卿肺渴正須
此不用玉魚供玉環江梅纍垂壓枝重三
年空作吞江夢遙知未老憶歸來身落湘
南飛不動潘郎只種桃李花他年種梅說
君家須知調羹蘇下土更洗一甌秧稻兩
次韻荅廬陵張新恩

扉戶無人聞鵲墮
蘚徑屐痕無半箇
玲瓏一騎薰風前
驚起胡床橐駝座
長身蒼髯江梅間
麒麟初脫十二閑
誰教驅策落何處
水石齟齬山連環
筆頭不識周鼎重
學古習寬有雲夢
才大萬牛挽不前
時來八風吹不動
寒香含著西風花
漢宮壽斚傾天家
不愁旱火成焦土
黃頭奴來請行雨

送周竹友虎皮時權郡事

桂東山中何所有
菸菟嗥風阿香吼
鬼行狙伏塵不驚
石八強弓射生手
去年臘月

雪塞村射公家家肉滿門有皮斑斑五花
文鬚爪完具無箭痕向來鹿豕一口吞四
蹄如瓠八尺身扣門邀我酌萬錢猛氣尚
欲凌蒼煙深山大澤誰得前摩娑忽此驚
華顛喜君風骨清且妍贈君春風紫茸氈
蠹鑕塵潤與愛惜風簷展上雪色壁知君
為政今渡河欲寄他時恐難得

客有談淮土縱獵之樂因為之歌

雪雲厭天尋丈低將軍觀兵出打圍彎弓
數肋射走鹿刀槩不減并州兒盤空隼鶻

皆欲裂落日洗空狐兔穴將軍白馬錦貂
揄奏凱歸來清夜月

贈談星數謝秀才

紛紛卜肆深五行子以逢掖能知星兒時
上學眼如燭夜夜仰面看天庥埃風塹雨
彬雲裏日晏腸鳴市無米百錢下惟學君
平窓戶中有吾伊聲亦知東坡磨硯厄梅
荒孤吟鬢霜白安知神奇亦有臭腐時不
見春秋書隕石

鄆縣女子廟

贛江昔有賢女祠湘江今見女子廟蒼厓
直下五千尺落日晴沙媚葵蓼蒼茫傳說
不足徵深山大澤龍蛇生君不見堯家二
女祠祀古或言洞庭天帝女

送人之常德

秋風原頭桐葉飛幽篁翠冷山鬼啼海圖
折補兒女衣輕衫笑拍秦人溪秦人得知
晉已前降唐臣宋誰為言忽逢桃花照溪
源請君停篙莫回船編蓬便結溪上宅採
桃為薪食桃實山林黃塵三百尺不用歸

來說消息

野鷲行

空山落日見野鷲千仞峯尖巢崱崿脚根
不受條鏃縈眼底熟知狐兔窟翻雲掠草
驚萬人招呼不來難可馴不來未必非君
福飢啄君家雞與鷺

初見柳倅院雲心

蘭枝蕙蒂交西風北湖欲秋蓮子紅金精
山前種荒客騎馬又逐湘雲東三年湖上
招秦七醉墨題詩秋露濕老蛟起舞聽吟

我幻作青童傍船立仙人吹笙調鳳凰引
手贈我青瑤章黃心木斷海塵起山鬼無
路啼幽篁慈恩玉槿飛晴雪龍居鏡泉漱
香月佳人歸去暮雪深白鳥飛來新雨歇
子城鶴語樓頭煙平分風月今吟仙石桃
花映綵衣發橘井筆倒寒蟾乾平生辨君
床下拜昔日累頭今鬢改世無此樂三百
年為君起舞秋風前

雲心遣示雨涼古句用舊韻再次奉
答

黑猪渡河天不風蒼龍銜燭不敢紅一餅
何處馬背倒芰瑤藕蕩漫西東西風佳時
數重七乾鵲橋成雲濕蘭膏香冷夢初
回花館月寒秋又立岐山千歲無鳳凰玉
帝夜行龍虎章九仙拍手一佛笑橘花多
處開筭篁卓劍泉深酌晴雪又魚亭空倚
寒月素郎掾筆玉虬飛雪壁流雲香味歇
三年兩鬢吹蠻煙浪說梅福能神仙金精
秋寒木鶴瘦銀灣水落芝田乾乞身歸去
望雲拜蓬萊淺清風物改停雲有賦應年

年相思起立梅花前

次彭介山韻

丹厓老屋金精秋玉虬駕我萬里遊黃岑
山下有小洞北湖一曲三年留山猿無聲
鶴不舞種玉田荒長琪樹仙人驚恠不歸
來閑却劉郎金掌露蛩音忽爾聞空虛吟
交憶此湖上居賦詩繫賊喙三尺愧死李
志羞曹蜍玉雪亭邊無點熱飛昇臺上留
仙轍訊速相就君不來射工含沙能宗孽
大篇雋永西風前谷簾水共曾坑煎半生

吟事入勲業力田那不逢豐年十八灘頭
笑歸棹彫胡米香頻葉老簿書塵裏眼生
花徑欲推敲尋瘦鳥

賦周斗祥愛竹

平生愛蓮無極翁而孫愛竹將無同豈期
野鷺有遺憾善學下惠猶家風問君竹亦
有何好蟠胸世好百無有黔婁先生生不
邪西山遺民窮得瘦向來結交王子猷一
日不見如三秋叩門不共主人語徃徃竟
日肩輿留先生河陽種花手耿耿冰霜含

宇宙從渠紅紫競春陽
留眼相看歲寒後
擲旱撒北湖龍

北湖三百頃其下神龍蟠
常時泛湖人不
敢笑語喧龍居祠下龍王廟
碧瓦朱甍映
清湫邦人四時迎送神
牲肥醴香神醉飽
開慶元年秋七日山中從前無此熱
早禾焦死晚禾枯
百姓相看眼如血
去年淫雨冬無收
私科官糴紛徵求
薯糧掘盡蕨根
斷一飽謂有今年秋
州家差官走田里
奉佛迎仙取龍水
南村北郭鼓鑼鑿
幾日街

頭無處避爾龍位置尊鱗虫鬚髯如戟聲
如鍾人間風日不到處珍珠室屋珊瑚宮
蝦蟹為傳鯀鼈伍耳如無聞目無覩捍灾
禦患則祀之安得神龍食茲土我有旌陽
在時劍能礫爾龍為萬段徐將鮓法問張
華普施農民供一飯刑鵝投虎終無補爾
龍有知胡不雨如問只守過湖船塊坐教
人送錢楮

題山城劉先生花史後

山城先生窮到死老作人間花大史
繡箱

未許上蘭臺堪着洛陽園園裏雖然儒先
有公是菊花隱逸蓮君子只今同傳李與
韓豈亦負公千斛米

贈醫士

桂山藥石不入市土風割牲諂非鬼巫師
懷肉飫妻孥醫師衡門冷如水子今挑囊
入深雲如以章甫授文身吾詩易得樂難
售子規語人傳藉手

春寒家

一月春寒縮牛馬束桂薪芻不當價去年

霜早穀蕃熟雨爛秧青無日曬深山處處
人夷齊鋤荒飯薇填朝飢干戈滿地此樂
土不謂乃有凶荒時今年有田誰力種恃
牛為命牛亦凍君不見鄰翁八十不得死
昨夜哭牛如哭子

贈周材叔能畫號蒼厓

昔見蒼厓畫今讀蒼厓詩問今十日水石
間幻作五字七字何能奇君言詩畫本一
律等以造化供娛嬉閉門磐礴天者定往
徃清氣流詩脾急將畫意入詩律免起鵲

落無由追有聲無聲強分別妙處正不差
毫釐人言精藝不兩能似亦可洗千年疑
梅花江頭窮竹枝遙指八境窮煙霏勿云
詩工畫師耻老瓊笑人焉用彼江南和糴
米如珠急圖流民獻天子

賦李士明古香

君家種桂知幾年輪囷老幹秋風前小山
荒涼汨江冷此樹亦有幽人便君家讀書
今幾世持取科名如左契他年留話與人
間王家種槐李家桂

八駿圖

穆王八駿真八龍萬里歷塊追長風齊州
羶惡塵土境夜宴阿母瑤池宮人間亦有
千年綃包果神奇夜光現畫師那計馬腹
羞當時下筆親曾見詩人多事管閑愁却
笑重來不到頭一聲黃竹斷歸夢枉使徐
土成荒丘尤物移人吁可怕此圖至今負
高價君不見華陽有馬閑且都無人畫作
武成圖

送人

庚戌伊啞語風竹抱琴年少如紅玉湘山
馬背弓刀塵三年歸來門戶俗愛君不肯
憎家鷄期君樹立終菟魏媚淵潤水發至
寶萬里轉軸辭門畿故山西風動未黍稷
燈坐涼日卓午而翁問我今行藏一榻牛
衣映秋雨

鄧梅臞雪籬圖

夜涼北風三尺雪懸厓凍崩樹凍折此時
梅花獨清絕箕山高風首陽節何人花下
騎蹇驢風雪墮面冰吟鬚唐巾飄蕭紵袍

窄識者指以為梅臞屋山稜稜出林鐔雙
鶴忍寒追不下欲尋門巷訪梅仙人言此
是苔磯盡

閭皂山杉節歌為士真姪作

右玄仙翁開洞府手掇靈杉種煙雨一根
硯礪獨十年其榮不生枯不死前年木價
愁達官一枝墮地瑋琅玕斧斤為盤錯
赦夭矯尚欲丹霄干初疑雷公下林壑夜
取垂龍截頭角又言石家鐵如意擊損珊
瑚半凋落神剡鬼斷何可求摩娑徃徃驚

吟眸犧尊詎是材所願爾囿於數將奚尤
神仙靈物生風電寧與塵凡供翫謔請君
持用懸丹厓留補金精飛去鶴

有感戲隱括曹景宗語

少年快馬如游龍鼻尖出火耳生風
柘弓放箭餓鴟叫數肋射麋平澤中
渴飢食肉飲血乳甜如天厨薦甘露
誰能揚州稱貴人閑置車中作新婦

賦陳新伯秋潭

人間四時秋最清
九秋之水寒潭明
先生

奇骨二難并十指忽忽風濤生麻姑山前
書滿屋讀書夜長跋見燭汪汪陂度牛醫
兒未抵寒潭一泓玉我家屋前十丈冰敲
冰夜作玻璃聲愛君有此秋一潭壁月下
照琉璃城從來負舟須積水置杯坳堂安
足擬期君渺渺泛天津萬斛龍驤繞一葦

題丁松岡詩集

松岡甯中亦磊砢勁氣少與崆峒平白頭
一脫力百斛中有徂徠風雨聲芒兄兒時
戲同隊宰木陰風吹晝晦翁身與詩壽而

昌細讀燈前為九拜

題侯氏雲軒

太空有雲不可羈君家有軒雲所棲黃埃
壓帽聽朝鷄坐軒人閑琴一枝眼前白衣
與蒼狗萬事悠悠且杯酒是間不沈俗子
塵客有敲門急揺手

題黎平父月潭

金精山人蒼月軒夜半影落秋潭明詩人
飲潭并吞月醉墨寫出風濤聲驪珠忽墮
春風紙烟如寒梅照清泚幾時脫我簿書

塵細爵君詩酌潭水

贈相士劉跛子

廬陵跛子代有聲相法如鏡開玄冥喙長
三尺不稱身翻江倒海驚座人崆山盡頭
秋色晚椎髻梭花隱門限蹴躡袍布揖使
前塞屋堵墻驚差見桑葉杉枯懷楚歸十
年讀書良未非逢君嘖嘖三箇好豈亦見
吾衡氣機

謝包宏齋著述科目之薦

有美人兮天一方欲往從之道阻長翩其

乘風來帝旁巍然一柱扶明堂冰盤玉果
君賜酒進講歸來坐清晝却從閩嶠望蓬
萊海氣渾黃天影瘦春風一箋入明光牛
鐸可使調宮商低頭再拜避三舍世謂唐
晉無文章先生閩人亦多矣定不尋常種
桃李法鼓一震波旬驚爨下之桐作焦尾
爾來世道姍喧呶百練化作繞指柔茫茫
萬古落我後傳世豈必皆王侯紅泉碧澗
石齒齒菖蒲著梅弄徑藥我思脫我馬口
銜歸去從公給薪水

送沈時父隨沈使君歸西湖

臥龍山下仙人家瓊瑤玉佩明春華平生
所聞蒼玉洞投老有意窮煙霞安希刀圭
亦仙去仙人掉頭不我顧天荒地老厓谷
寒九虎關深隔雲雨向未結客江湖棄走
馬馱金花下醉酒邊題字墨猶香已墮黃
壚兩行淚眼前吟友今幾人東陽公子下
筆親胷中風味見大雅往往有似吾元賓
半年同往仙人國書來相知不相識豈不
欲往畏簡書紫騮銜口鳥鵲翼西湖藕香

鱸膾肥錦囊一路載詩歸天津橋上望閩
嶠落日惟有南鷺飛漫卽空復燕城住風
雨荒寒舊瓜圃蕭蕭短髮薄書塵慎勿湖
邊語鷗鷺

贈煉丹士

女媧鍊石丹之源補天破碎天亦完後來
此方世不傳仙家之丹說九還君今採藥
須名山却老起死攔囊九世間塵勞空自
煩徃逐鷄犬尋劉安

賀歐西湖登第兼呈宏齋

去年君上西湖船白紵如雪春風前今年
君上天街馬柳汁浣袍生色盡人生窮達
那得知宰相正用時來為愛君負大積者
厚萬里轉軸辭門畿蹇予食籍閩州飯書
按塵深鬢絲短西風一夜入山城南鴈無
情秋夢遠宏齋老師魯靈光乞身不許猶
周行老臣政爾仗經濟世道亦復閑行藏
零陵千官閑言語重見箋詩出烏府灤西
白石渡頭船且喚漫郎聽夜雨一官局束
為人轍宇宙風物皆危機短章醉墨江南

路却愛當年未第時

壽何府判易齋

我欲壽公酒酒薄不敢斟我欲壽公詩詩
調不成音酌公試酌鄞江水頌公請頌鄞
人心江水之清有涇渭人心之同無古今
紛紛巧捷塞裳趨公獨坦履垂紳裾研桑
心計論錨銖公獨一飯不顧餘王謝子弟
山澤癯葵莧之腹貯詩書燕居如齊好嗜
無澹然文君對相如試從邦人數前後監
州頗見有此否日邊催整早朝車堂上且

傾初度酒欲晴未晴霜淡濃欲香未香梅
信風眼前時事好閉口只折梅花來壽公
送厚齋陳持正歸括蒼効山谷體有

贈

贈君白紵白且鮮絡繹機杼秋風前為君
裁作山人衣披雲拂石弄潺湲贈君紙帳
清且華機綃水底溪工家夜深擁被蝴蝶
床滿身明月臥蘆花聊厚不為薄中有故
人心平生湖海交詎得商淺深飛鷺亭下
闌干雨蒼玉洞前斜日樹詩來一鏃箭鋒

直直置本初何足數恨我不與柴桑期多
君且賦羗村詩細君迎笑兒女舞床頭酒
香鷄鶩肥一城行色入催動回首龍山煙
翠重敲推不定起尋君前度莓苔千里夢
砥柱亭同寮分韻得雨字

西風吹老寒香圃瘦碧林塘秋幾許官閑
飲思生渴吻載酒聯翩無客主亭深城遠
地自寒鴈鶩不來蘚苔古秋杆爭道較一
勝長纓颯颯翠裾舞百年有幾開口笑底
用妍桑枉心膂吟情正屬杯中物暮色已

惟城上鼓嗟予負愧斗粟恋出位幸逢鑊
焦苦向來胷中亦磊砢書傳消磨着塵土
徑須太白得我醉歸臥黃紬聽夜雨

銅瓶歌為趙廣文生日

平生愛此雙瓶古千里携持走塵土滑如
女膚色馬肝間着花枝相媚嫵鄞江博士
諸王孫無氊坐客今三年羣仙招手喚歸
去紫薇怨殺春風前華堂此日春風酒顧
我羈窮無一有發囊得此雙銅瓶琢詩包
裹為君壽瓶之體兮正而不阿瓶之質兮

朴而無華虛中不足稱儲粟汲冷澗水供
煎茶此君清苦於君似擬入以倫正如此
相看一笑姑置之金石結交從此始

邀同寮飲鍾學正第一枝

前溪後溪兩玉虹半村半郭地百弓上有
車蓋青童童下有一畝幽人宮築亭方方
羅十客八面玲瓏受風日楣間誰扁第一
枝雪裏寒梅破孤寒我如愛竹王子猷不
問主人携共遊衙聲已送白鳥遠醉倒更
為斜陽留馬嘶人散橋南道燈火匆匆城

閉早一川風雨酒醒時明月簿書塵壓帽
馬順文裒金買登仕為漕試計戲題
其取青券

馬君杭人墮汀角杭試不收汀不著少年
落筆易進取萬里孤雲天一握捐金爵試
亦假途寒士探囊桃李無平生故人于節
度買山尚肯周窮符編藤裹錦如行卷持
以取青真左券惜哉掘墓逢伯夷捧土塞
河吾自覩君才十倍空冀北長鯨變化滄
海窄人生幸得各有地古來不見虬鬚客

紅糟送陳廣文

小槽無聲簷溜歇銀缸滿貯猩紅血撐囊
礪魄腹果然壓以千鈞枯欲裂麵生有味
取試嘗粉身不惜糜成漿春風往往醉入
骨賜以菹醢猶能香贈君活火烹錡金筆
以青葱滌薑縷食之以匙不以筯白玉盤
中漲紅霧

再韻荅前人

我窮嗜客如黃歇藜藿家風曾軟血公田
稻秣五十畝倒盡空樽雙背裂床頭有甕

不忍嘗麪塵爛爛蕩無漿知君亦笑肉食
鄙輟贈一鼎春風香有焦尚足供轅金顛
倒柔青紫菜縷看看雙頰上紅潮絕勝擯
柳驅瘴霧

月下觀梅獨酌

北風掠地天欲晴街東街西入不行山城
早閉燈火靜霜月自照鷓鴣鳴一簷梅意
春欲動星斗闌干天宇空一生愛梅復欲
月獨酌月明花作供南樓鼓寒聲重遲醉
眼看花越更奇牽衣兒女催翁歸翁醉正

賦寒梅詩

郡圃攔梅分韻得手字同寮邀飲

江南不見梅花久一夜寒香吹戶牖明朝
十客山下亭萬里春風一杯酒霜痕卷水
天不動月逼雲收淨如帚花枝圍燭白紅
吐艷歌聒醉棲鳥走坐窻不遯今幾日簿
書厭人目生垢茲晨不待折簡招行車累
纍魚貫柳廣文玉碎磨不磷令尹風生談
滿口幕中佳士檄颯颯着我其間慙老醜
龍門風流千載事歐梅賓客文禧守便湏

畫作欄梅圖却恨丹青無好手

蕭冰厓詩集拾遺卷上